



UNIVERSITÄTS-  
BIBLIOTHEK  
PADERBORN

**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Dvb. 5. Vtrum meritum, & satisfactio Christi fuerint infiniti valoris.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

D V B I V M V.

Vtrum Meritum & Satisfactione Christi, fuerint infiniti valoris?

<sup>13</sup>  
Negat Durandus.  
Scotus & Gabriel.  
Verius affirmatur.  
Clemens Vla.

Q Vidam censem non fuisse infiniti valoris. Quod insinuat Durandus in 3. dist. 20. q. 2. dum ait, Christus non potuisse reddere Deo aequivalentem pro beneficis acceptis. Idem repetit in 4. dist. 15. q. 1. Supponit igitur opera eius non esse infiniti pretij. Idem expresse docet Scotus & Gabriel in 3. d. 19. & 20. & in 4. d. 15. Ait enim Scotus, Velle Christi, in quo omne meritum cum omnibus suis respectibus, est finita perfectionis. Addit tamen Scotus, tantum valuisse ipsius meritum, quantum Deus illud acceptavit. Et quamvis ex parte operis non habuerit congruitatem ut acceptaretur pro infinitis, tamen ex parte personae habuisse. Sed contraria sententia est communis, praesertim hoc tempore. Pro qua,

Dico Primo, Singula Christi opera, ut ab ipso procedebant, erant infiniti pretij & estimationis in ratione Meriti & Satisfactionis coram Deo. Ita passim Theologi d. 19. & 20. vbi Bonaventura, Richardus, Paludanus, Capreolus, & alij: & in 4. dist. 15. D. Thomas suprad. q. 1. a. 2. & infra q. 46. a. 5. ad 3. vbi ait: Minima passio Christi sufficiat ad redimendum totum genus humanum. Alexander Halensis 3. parte sua Summa q. 17. memb. 3. & 5. Guilielmus Alstediorense lib. 3. Summae Tract. 1. cap. 8.

Probatur Primo, Per Extraugantem Clemencis VI. qua incipit, Unigenitus. Vbi ait, Quod gutta sanguinis modica, propter unionem ad Verbum, pro redemptione totius generis humani sufficiet: ergo ex se erat infiniti pretij. Vnde ibidem ait, Thesaurum Ecclesie esse infinitum, quem Christus suis meritis, & satisfactionibus acquisivit. Idem insinuant Patres infra citandi. Neque hic recurrer potest ad acceptationem; quia acceptatio non tribuit rei valorem & dignitatem; sed res ob suam dignitatem & valorem acceptatur: vnde supponitur acceptationis: alioquin dicere possemus, quodvis bonum opus hominis iusti, esse sufficiens pro redimatione saltem duorum vel trium hominum; quia potest a Deo ad hoc acceptari. Quod est contra modum loquendi Scriptura & Patrum.

Probatur Secundo, Ratione: Prima, Quia merita & satisfactiones Christi, ex parte sua sufficiunt pro peccatis quantumvis multis & gravibus, homini quantumvis multorum: ergo sunt infiniti pretij. Antecedens est omnino certum, quia Scriptura passim dicit Christum satisficere pro peccatis totius mundi; quibus verbis insinuantur infinita efficacia pro quantumvis multis: tunc, quia possemus metuere ne tandem ita excresceret peccatorum mensura, ut meritum Christi non sufficiat. Consequens patet: & Confirmatur a simili. Quia si aliqua pecunia esset tanti valoris, vt per eam possent coemiri res quaecumque quantumvis multas, ea esset actu infiniti pretij: ergo similiter Christi merita.

Secunda Ratio: Persona operans erat infinita dignitatis: ergo quodlibet eius opus erat infinita estimationis. Patet Consequentia: Quia persona secundum totam suam dignitatem influit in opus; et enī veluti intrinseca forma ipsorum

operum, quatenus sunt meritoria vel satisfactoria. Cuius signum est, quod nullum opus, quantumvis perfectum aut supernaturale, sit meritorium aut satisfactorium; nisi persona operans sit grata; vt ostensum est 1. 2. quæst. 114. vnde dignitas operantis videtur esse quasi ultima forma, qua dat esse merito & satisfactioni: vti statim infra num. 15. in responsione ad obiectiōnem, latius patebit.

Tertia Ratio: Si illa persona non tribueret suis operibus infinitum pretium, fieri posset ut opus factum à persona creata, esset pars affirmationis, immo & maioris coram Deo, quā opus Filii Dei. Patet sequela; Quia omni finito, seu habenti certam mensuram, potest dari æquale & maius: atqui hoc est absurdum, & contra Patres citatos quæst. 1. artic. 2. qui dicunt Incarnationem fuisse necessariam ad nostram Redemptiōnem.

Dico Secundum, Etsi Christi merita sint absolute infinita, tamen ipsa non destinavit illa ad effectum aliquem simpliciter infinitum obtinendū, sed tantum secundum quid infinitum. Explanator; Est certa aliqua mensura peccatorum, quam omnes homines erant facturi, & poterant facere. Item, est certa mensura gratiae, quam Deus in sua dispositione præparauit, paratus eam conferre. Ad hanc, peculiariter retulit Christus suum meritum & satisfactionem.

Probatur Primo, Quia omnis prudens ordinat opera & merita ad effectum possibilem, & ratione consentaneum: sed effectus possibilis, non est absolute infinitus: quidquid enim in particuliari possibile est, certa mensura definitur. Secundo, Christus non obtulit sua satisfactionem pro peccatis dæmonum; quamvis si eius dignitas spectetur, pro illis sufficiat: vnde etiam potuerit ad illa delenda ordinari, si Deo placuerit. Similiter, non obtulit sua merita, vt daretur hominibus tanta gratia & gloria, quantum ipse habebat: quamvis ad hoc, ratione sui pretij, non essent invalida.

Aduerte tamen, Illum ordinasse sua opera ad quoddam effectus, qui requirebant meritum ab culpæ mortali, licet illi merito non adæquarentur: vt, ad remissionem culpæ mortalis, que comparatiæ est infinita; & ad remissionem peccatum ab initio, tamen ab initio infinitum.

Contra. Objicitur Primo, Quantitas meriti configurit non solum ex dignitate merentis, sed etiam ex alijs circumstantijs que concurrunt: atque quando plura huiusmodi concurrunt, quamvis unum sit infinitum, si reliqua sint finita, effectus est finitus: nam tune quod est infinitum, limitatur ab alijs, vt non infinito, sed finito modo concurrat. Quod patet exemplis: Nam visio beatifica, est finita, licet obiectum eius & species intelligibilis, est infinita; quia intellectus & lumen gloriae sunt finita efficacia, ac proinde limitant concursum obiecti & essentia diuinæ. Pari modo, Actus charitatis est finita bonitatis & meriti, eti obiectum eius sit infinitum; quia eius influxus ab alijs concurrentibus limitatur: & tamen obiectum magis videtur conferre ad augmentum bonitatis actus, quam persona operans: quia obiectum tribuit actui speciem; ipsa autem persona præcise nihil actui confert.

Dignitas  
persona non  
potest alii-  
de limitari  
quo minus  
totam suam  
dignitatem  
operi im-  
pendat.

Respondeo; Negando Antecedens: Eris enim multa sint quæ concurrunt ad augmentum meriti, tamen hoc non impedit quo minus persona tribuat merito infinitum valorem: nam persona operans secundum totam dignitatē suam, quantum potest influit in actum. Nam ipsa, per se ipsam, est veluti ultima forma & cōplementum, conferens dignitatem & valorem actui meritorio & satisfactorio, vt talis est: vnde ab alijs circumstantijs non limitatur. Et ratio est: Quia in merito & satisfactione, non solum ipsa operatio veluti in abstracto considerata exhibetur, sed etiam persona operans submittit se in obsequium alterius, apud quem meretur, vel cui satisfacit. Vnde si persona operans sit infinita dignitatis, confert operi infinitum valorem in ratione meriti, & satisfactionis; pluris enim tale obsequium estimatur apud Deum, quam si infiniti homines iusfi obsequium Deo praefarent. Quod etiam patet exemplis humanis: humile enim obsequium factum alicui à Principe, sine comparatione pluris estimatur, quam factum à multis plebeis. Secūs autem est in obiecto, & alijs circumstantijs extrinsecis: obiectum enim non tribuit actui tantam dignitatem quantam potest, nec influit in illum quantum potest; sed maiorem vel minorem pro varia habitudine actus ad obiectum; vt vide re est in amore Dei: quod enim amor perfectius vnit Deo, eò maiorem ab obiecto suo trahit dignitatem. Similiter alijs circumstantijs extrinsecis, non tribuant totam suam dignitatem actui. Intensio autem actus, quia est circumstantia intrinseca augens meritum quantum potest; si esset infinita, augeret etiam meritum infinitè, sicut persona: sed hec infinitudo est impossibilis. Quare cum dignitas personæ, secundum estimationem moralem tantum faciat, quantum intensio: augerit sine dubio infinite.

Dices; Si dignitas personæ est veluti intrinseca forma meriti & satisfactionis: ergo quisque meretur quolibet actu tantam gratiam, quantum habet. V. g. qui habet gratiam vt centum, & facit actum remissum vt vnu, merebitur centum: nam dignitas operantis tantum auget meritum, quanta ipsa est.

Respondeo, Dignitas personæ non censetur intrinseca forma meriti, quando non concurredit tota suo modo ad opus: vt, sicut cum habens gratiam vt centum, facit actum charitatis vt vnu, hic non tota gratia concurredit ad actum quantum potest; quare non meretur centum: auget tamen ceteris paribus meritum; quia actus, quod à digniore procedit, hoc ceteris paribus est maioris meriti; licet illa dignitas sit solum extrinsecum ornamentum personæ operantis. Persona autem Filij Dei, tota, & secundum totam dignitatem suam, concurredit ad singula opera: vnde auget meritum quantum potest, & quasi secundum totam latitudinem & perfectionem suā, quia est ipsum suppositum operans. Simile est, si illa gratia vt centum, constituerit ipsum suppositum operans seu personam operantem. Aduertere tamen; Meritum non esse tantæ dignitatis aut bonitatis, quantæ est ipsa persona: quia dignitas meriti, est moralis; & solum in ratione meriti & satisfactionis infinita: Persona autem dignitas, est naturalis, & simpliciter infinita in ratione entis. Meritum tamen est tantæ dignita-

tis & bonitatis in ratione meriti, quantæ persona in ratione entis.

Obijicitur Secundū: Si quodlibet opus Christi est infinitum in vi merendi; sequentur tria in-<sup>16</sup> Obiectum  
commoda. Primum; Christum non plus meruisse <sup>2. triū</sup> incommo-  
tota vita, quam primo momento; nec opere per-  
fectissimo, plus quam minus perfecto; nec magis nos redemisse sua passione, quam quavis alia actione. Quod videtur contra Scripturam, quæ nostram redemtionem ubique foli passioni tribuit: vt ad Rom. 3. v. 25. Quem proposuit Deus propitiationem, per fidem in sanguine ipsius. Item c. 4. & 5. ad Gal. 3. ad Hebr. 2. 9. 11. Alterum in-  
commodum, Christum plus meruisse quam Deus posset rependere; quia Deus non potest rependere mercedem infinitam: cum tamen haec sola sit merito infinito commensa. Tertium, Hominum merita & satisfactiones non esse necessarias; immo omnes homines esse salvandos, sine ullo suo merito aut satisfactione: hoc enim, & multo amplius, debitum est merito infinito.

Ad primum incommodum, Respondeo; Eris Christi opera secundum intrinsecam suam & rea-<sup>17</sup> Reponsio  
ad primum  
meritum  
incommodum  
merita & operum in-  
meriti. Nam tota personæ dignitas affiebat fin-  
gula opera quatenus meritoria, tamquam ultima iporum forma; ita vt bonitas intrinseca est in-  
star materiae. Quod explicatur Exempli: Si Rex Intrinsica  
bonitas  
constitueret vt omnis pecunia regio signo im-  
presso, valerer aureum, cuiuscumque demum esset Christi sa-  
metalli; tunc quavis pecunia esset alteri æqualis babet in-  
ratione signi; quamvis ex parte materiae esset in-  
star materiae, & di-  
æqualitas. Ita Christi merita, eti ratione mate-  
riae seu operis, sunt inæqualia; tamen trahunt ex-  
finge in qualementum dignitatem à diuinâ personâ, quâ velunt formâ.  
charactere insigniuntur.

Dices; Hinc tantum sequi fuisse æqualia in va-  
lore ex parte personæ; non autem simpliciter: si-  
cut patet in moneta aurea & area eiusdem signi;  
aurea enim simpliciter melior est.

Respondeo Negando id sequi. Ratio est; Quia Omnia ope-  
ra Christi persona confert illis meritis infinitam dignitatem; non habent in Christi  
Infinitudo autem ista tollit inæqualitatem, qua plus meriti  
ante illis ratione materiae inerat; quia infinitu-  
m quæ unum,  
do ista continet eminentem omnem illum materie<sup>2</sup> valorem. Sicut enim Deus & creatura simul, non  
est intensu quid melius aut præstantius, quam Deus solus; ita meritum operis, quod est ex boni-  
tate intrinseca; & quod est ex dignitate personæ, non est maius intensu, quam quod est ex solius persona dignitate. Vnde etiam, licet in omnibus Christi operibus esset plus meriti extensiū, quā in vno; seu potius, licet essent plura merita; tamen non erat plus meriti intensu. Neque verum est, quod dici solet, multitudinem meritorum æquale intensioni; nisi in meritis finitis. Hinc quoque fiebat, vt multis meritis non mereretur amplius quam vno: nec sequentibus mereretur ali-  
quid noui, quod non meruerat opere precedente; sed semper idem mereretur: nouis tamen & pluribus titulis: vt recte docet D. Thomas infra q. 3. a. 3. ad 3. Et communiter Doctores cum Magistro in 3. dist. 18.

Aduerte tamen; Christum non obtulisse sin-  
gula opera sua, tamquam meritum totale & cō-  
summatū totius præmij; id est, pro nostrâ redem-  
ptione; sed tamquam partiale. Obtulit enim om-  
nes vita

Dignitas  
personæ in  
tantum au-  
ges meriti,  
in quantu-  
m ipsa in opus  
inficit.

Alij sa-  
men meri-  
tum, alijs  
persona est  
infinita,

nes vita sua actiones & perpessions per modum vnius continuati meriti in passione & morte cōplendi, pro redēptione nostrā, tamquam ad æquato præmio. Sic enim diuinus constitutum erat, vt non singulis operibus nos perfectè redimeret, (quamvis singula ex se sufficerent) sed dūtaxat passione: ita vt in termino passionis, id est, in morte, illud meritum compleveretur, & nostra redēptione esset peracta. Vnde omnes Christi actiones & perpessions ab initio Conceptionis usque ad infans mortis, ex ordinatione diuinā, & Christi relatione, habent rationem vnius integrī meriti, respectu nostra redēptionis, vt recte docet Sotus in 4. dist. 1. q. 3. a. 5.

Hinc patet, cur potissimum Passioni nostra tributatur Redēptio in Scripturis. Nempe tūm, quia in ea consummata est; tūm, quia singulari modo à Deo ad hoc ordinata, & à Christo acceptata & relata: idque vt ostenderetur nobis & peccati gratitas, & Dei in nos charitas, & dare-tur exemplum omnis patientia & obedientia.

Ad Secundum incommodum, Respōdeo breuiter: Si Christi meritum consideretur secundum pretium omne quod habet; sic nullis bonis creatis ad æquilibrium potest rependi: posset tamen bono increato, v. g. vniōne hypothaticā alterius personæ diuina compensari, si ad hoc promerendum Christus meritum suum, dispensatione diuinā destinasset. Si autem consideretur, quatenus suberat eius intentioni, quā illud referebat ad nostram redēptionem; sic ex æquo compensari potest. Quando autem meritū dicitur infinitū, consideratur secundūm suam dignitatem & valorem, quem per se habet; non autem secundūm actualē relationem merentis.

Ad tertium; Hæretici admittunt totum: scilicet non requiri nostra merita vel satisfactions ad salutem; eo quod Christi merita & satisfactions sint sufficientissimæ; vt pote infinita. Sed si hæc Ratio valeret, sequeretur nec fide, nec Sacramentis opus esse ad salutem. Item, creaturis ad suam perfectionem non esse opus vñlā operatione aut functione; eo quod virtus diuina sit infinita.

Quare dicendum est, Christum non voluisse sua merita & satisfactions, salutem hominibus adferre, sine vñlā applicatione per Sacramenta, aut absque illorum cooperatione: nec eā mente illa Patri obtulisse. Sed in parvulis requiri applicationem per Sacramenta; in adultis etiam cooperationem. Ratio est: Primo, Quia aliqui datur hominibus summa occasio negligenter, & supine securitatis; imò præberetur licentia ad omnia peccata. Secundo, Quia maior Christi virtus ostenditur, dum non tantum ipse meretur, satisfacit, & saluat nos; sed etiam dat nobis virtem merendi, satisfaciendi, & operandi nostram salutem. Sicut maior ostenditur Dei potentia, dum non tantum ipse agit, & mouet nos; sed etiam dat creaturis virtutem agendi. Tertio, Quia hominibus gloriiosius est vi non tantum per aliena merita saluuntur; sed vt ipsi quantoque sibi sint causa salutis, licet secundaria.

Sunt etiā vñiuera-  
lis nostra  
falsitatis.  
Sed vt hæc melius intelligentur; Notandum est, Christum obtulisse sua merita, vt essent veluti causa vñiueralis humanae salutis in genere mortis: sicut omnipotens Dei, est causa vñiueralis perfectionis rerum, in genere entis. Vnde sicut ab omnipotenti Dei, producēta est, & afflue-

pendat omnis vis creaturæ; ita à Christi meritis pendet omnis virtus merendi in nobis. Et sicut vis creaturæ, est ab omnipotenti Dei, vel immediate, vt per creationem; vel mediante causa secunda, scilicet calo, elementis, seminibus &c. ita vis merendi in nobis, est à meritis Christi; vel immediate, vt per gratiam præuenientem cui consentimus: vel mediately, vi per Sacramenta. Rursus, sicut in omni operatione creaturæ, cooperatur omnipotens Dei; ita in omnibus operibus nostris, cooperatur meritum Christi. Vnde sicut omnipotens diuina, non ducit res ad perfectionem; sine illarum cooperatione; ita nec meritum Christi, adulteros adducit ad salutem, sine illorum cooperatione.

#### D V B I V M. VI.

#### Vñrum in Christi Meritis & Satisfactione fuerit perfecta iustitia?

**D**octores qui existimant Christi merita non fuisse infiniti valoris, etiam negant in illicet rationem perfectæ iustitie. Ita Durandus in 3. dist. 20. q. 2. & in 4. d. 15. q. 1. Gabriel & Scotus in 3. dist. 19. Ratio est: Quia Meritum & Satisfactione Christi tota pendebat ex acceptatione gratuitatē Dei, qui dignatus est Christi opera, ad nouum meritum acceptare; cum alioquin essent debita ratione beneficiorum, quæ Christus in humana natura acceperat. Deinde: Quia secundum se, non erant equalia p̄ meo, ad quod refereretur; sed solum ex acceptatione diuinâ.

Altera sententia est communior Theologorū, Christum meruisse & satisficisse secundum exactā iustitiam. Cuius sententiae veritas patebit, cum ostensum fuerit in illis omnes conditions perfectæ iustitie fuisse. Hæc autem sunt quatuor. Prima, vt sit æqualitas. Secunda, vt ex proprijs. Tertia, vt ex indebitis alio titulo. Quarta, vt sit ad alterum.

Nunc, Dico Primò, In Christi Meritis & Satisfactione fuit æqualitas; imò magnus excessus ad offensam, & bona supernaturalia gratia & gloria. Ita passim Doctores in 3. dist. 20. Bonavent. Richardus, Paludanus, & alij suprā dub. 5. num. 13. citati: & videtur omnino certum.

Probatur; Ad Romanos 5. Apostolus fūse docet obedientiam & meritum Christi, longè potenter est ad saluandum, quā Adæ inobedientia ad damnandum. Cuius signum est, quod Christi meritum debeat non solum Adæ peccatum; sed etiam omnia postea superinducta: Adæ autem inobedientia, tantummodo vnum adserat nobis peccatum. Vide D. Chrysostomum in hunc locum, qui hoc optimè explicat. 1. ad Cor. 6. v. 20. Empti eñis p̄tio magno: & cap. 7. v. 23. P̄tio empti eñis: & 1. Petr. 1. v. 18. Non corrupibilis auro & argento redempti eñis, sed p̄tioso sanguine, quæ Agni immaculati, Christi. At p̄tium, non diceretur magnum, nisi vt minimū esset æquale. Nam si quis pro regno Hispanie daret centum millia aureorum, p̄tium non diceretur magnum, quia non esset æquale: sed tunc solum dicitur p̄tium magnum, quando excedit rem empram. Similiter non diceretur emptio, nisi esset latetæ equalitas in p̄tio: nam alioqui esset donatio, latetæ ex parte. Idem patet ex epist. ad Hebr. potissimum

K iii cap. 9.